

卷六

書名 爾雅註疏十一卷
 撰者 晉 郭璞 注, 宋 邢昺 疏, □ 闕名 音
 卷 卷六
 內容分類 經-小學-訓詁-爾雅
 索書號 經部-彙刻-1
 編號 A497200

[彩色首頁1](#)

[東洋文化研究所漢籍目錄 編號: A497200](#)

[東洋文化研究所漢籍目錄所藏漢籍善本全文影像資料庫 索書號: 經部-彙刻-1](#)

[漢籍善本全文影像資料庫文本爾雅註疏十一卷](#)

版權所有: [東京大學](#) [東洋文化研究所](#)

[使用上的注意事項](#)

爾雅註疏卷第一


晉郭璞註

宋邢昺疏

爾雅序

疏

爾雅者釋文云所以訓釋五經辯章同異實九經之通路百氏之指南多識鳥獸草木之名博覽而不惑者也爾近也雅正也言可近而取正也釋詁一篇蓋周公所作釋言以下或言仲尼所增子夏所足叔孫通所益梁文所補張揖云昔在周公續述唐虞宗翼文武克定四海勤相成王踐阼理政日昃不食坐而待旦德化宣流越裳來貢嘉禾貫桑六年制禮以導天下著爾雅一篇以釋其義傳乎後學歷載五百墳典散落唯爾雅常存禮三朝記哀公曰寡人欲學小辯以觀於政其可乎孔子曰爾雅以觀於古足以辯言矣春秋元命包言子夏問夫子作春秋不以初哉首基為始何是以知周公所造



融於縹女釋天也
 日月為常出為不可
 昏限天曰昏與黠為限醜然上帝視醜
 非天賤酒亦豈此皆以背王背大事又祭

爾雅註疏卷第六

晉郭璞註

宋邢昺疏

釋地第九

疏

案說文云元氣初分輕清陽為天重濁陰為地萬物所陳列也白虎通云

地者易也言養萬物懷任交易變化含吐應節也釋名云地底也其體在底下載萬物也禮統云地施也諦也應變施化審諦不誤也此篇釋地之所載四方中國州府陵數之異故曰釋地

兩河間曰冀州

註

自東河至西河河南曰豫州

註

自南

河至漢河西曰雒州

註

自西河至黑水

○雒於

漢南

曰荊州

註

自漢南至衡山之陽江南曰揚州

註

自江

爾雅流

卷之六


及於關

南至海濟河間曰兗州自河東至濟濟東曰徐州

自濟東至海禮切燕曰幽州自易水至北狄

齊曰營州自岱東至海此蓋殷制此釋九州之名及其界域

也兩河間曰冀州注自東河至西河者周禮職方氏云河內曰冀州禹貢不說境界孔安國云此州帝都河自東河以東也豫州云荆河自南河以南也雍州云西河自西河以西也明東河之西西河之東南河之北是冀州之境也言東河西河南河者皆據帝都冀州而言也案禹貢導河自積石龍門南流謂之西河至於華陰折而東經底柱孟津過洛汭皆東流謂之南河至于大伾折而北流過洛水至于大陸又北播為九河同為逆河入于海謂之東河此惟云兩河者從可知李巡曰兩河間其氣清厥性相近故曰冀冀近也○河南曰豫州注自南河至漢者職方與此



同禹貢云荆河惟豫州孔安國云西南至荆山北距河水以其荆山在荆州漢水所經故文不同其實一也李巡云河南其氣著密厥性安舒故曰豫豫舒也

○河西曰雍州注自西河至黑水者周禮正西曰雍州禹貢云黑水西河惟雍州孔安國云西距黑水東

據河案酈元水經黑水出張掖雞山南流至燉煌過三危山南流入於南海然則雍州之境東據龍門河

西距此黑水也李巡云河西其氣蔽壅厥性急凶故曰雍雍壅也兼得梁州之地西北之位陽所不及陰

壅也○漢南曰荆州注自漢南至衡山之陽者周禮正南曰荆州禹貢荆及衡陽惟荆州孔安國云北據

荆山南及衡山之陽言北據荆山則至漢水也李巡曰漢南其氣燥剛稟性強梁故曰荆荆強也釋名以


為取荆山之各荆警也南蠻數為寇逆常警備也○

江南曰揚州注自江南至海者周禮東南曰揚州禹

貢淮海惟揚州孔安國云北據淮南禮東南曰揚州禹

之境跨江非至淮此云江南者舉遠大而言也李巡曰江南其氣燥勁厥性輕揚太康地記云以揚州漸

太陽位天氣奮揚履正合文故取名焉一濟河間曰
兗州注自河至濟者周禮河東曰兗州禹貢濟河惟
兗州孔安國云東南據濟西北距河孔傳云據者謂
跨之也距至也濟河之間相去路近兗州之境跨濟
而過東南越濟水西北至東河也李巡云濟河間其
氣專質厥性信謙故曰兗兗信也釋名以爲取兗水
之義○濟東曰徐州注自濟東至海者禹貢海岱及
淮惟徐州孔傳云東至海北至岱南及淮此云自濟
東則是西至濟也李巡曰淮海間其氣寬舒稟性安
徐故曰徐徐舒也周合其地於青州○燕曰幽州注
自易水至北狄者周禮東北曰幽州李巡曰燕其氣
深要厥性剽疾故曰幽幽要也禹貢其地合於冀州
也地理志云涿郡故安縣閭鄉易水所出東至范入
濡也從此易水至於北狄幽州之境也○齊曰營州
注自岱東至海此蓋殷制者周禮正東曰青州禹貢
云海岱惟青州孔傳云東北據海西南距岱然則此
營州則青州之地也博物志云營與青同海東有青
丘齊有營丘豈是各乎太康地記云東方少陽其色



青其氣清歲之首事之始故以青爲名焉此蓋殷制
者以此文上與禹貢不同下與周禮文異禹別九州
有青徐梁而無幽并營是夏制也周禮周公所作有
青并幽而無徐梁營是周制也此有徐幽營而無青
梁并疑是殷制也以
無正文故云蓋也

九州 此上釋九州之名
故題云九州也

魯有大野 今高平鉅野縣東北大澤是也
疏 此下至

護釋十數之名也禹貢徐州云大野既豬地理志云
大野澤在山陽鉅野縣北鉅即大也由其旁有大澤
故縣以鉅野爲名哀十四年左傳云西狩於大野以
其澤在曲阜西故云西狩也郭云今高平鉅野縣者
東晉時鉅野屬高平郡故與志不
同凡注言今者皆謂東晉時也

晉有大陸 今鉅鹿北廣河澤是也
疏 孫炎曰廣河猶
大陸以地名言

爾雅疏 卷之六 三 吸帖關

之近為是也禹貢冀州云大陸既作是也案定元年左傳晉魏獻子田於大陸焚焉還卒於甯杜預注嫌鉅鹿絕遠疑此田在汲郡吳澤甯今修武縣近吳澤計此二澤相去甚遠亦得言大陸者以其廣平曰陸但廣而平者則各大陸故異所而同名也澤雖卑下旁帶廣平之地故統名焉

秦有楊陁

註

今在扶風汧縣西

○陁於

疏

周禮冀州云其澤數曰楊

陁鄭注云所在未聞又雍州云其澤數曰弦蒲鄭注云在汧案地理志汧吳山在西南古文以為汧山非有蒲谷鄉弦中谷雍州數今注亦云在汧然則周禮弦蒲即此楊陁也

宋有孟諸

註

今在梁國睢陽縣東北

疏

周禮青州其澤數曰望諸鄭注

云望諸明都也在睢陽禹貢豫州云導河澤被孟諸左傳亦作孟諸文不同者聲轉字異正是一地也

楚有雲夢

註

今南郡華容縣東南巴丘湖是也

疏

周禮

云其澤數曰雲夢鄭注云雲夢在華容禹貢云雲土夢作又昭三年左傳楚子與鄭伯田于江南之夢又定四年楚子涉睢濟江入于雲中杜預云南郡枝江縣西有雲夢城江夏安陸縣東南亦有夢城或曰南郡華容縣東南有巴丘湖江南之夢也雲夢一澤而每處有名者司馬相如子虛賦云雲夢者方九百里則此澤跨江南非亦得單稱雲單稱夢即夢也

吳越之間有具區

註

今吳縣南太湖即震澤是也

疏

周

揚州云其澤數曰具區鄭注云在吳南地理志云會稽吳縣故周泰伯所封國也具區在西古文以為震澤禹貢揚州云三江既入震澤底定是也

齊有海隅

註

海濱廣斥

疏

此營州數也云海濱廣斥禹貢文也孔傳云濱涯也言復

其斥鹵案說文云鹵鹹地也東方謂之斥西方謂之鹵海畔迴濶地皆斥鹵故云廣斥也

燕有昭余祁

注今太原鄆陵縣北九澤是也

疏周禮并州其澤

數曰昭余祁鄭注云在鄆地理志云鄆九澤在北是為昭余祁并州藪是也

鄭有圃田

注今滎陽中牟縣西圃田澤是也

疏周禮豫州云其

澤藪曰圃田鄭注云在中牟地理志云中牟圃田澤在西豫州藪倍三十三年左傳云鄭之有原圃猶秦之有具圃也又詩車攻云東有甫草鄭玄以為甫田之草皆謂此也

周有焦護

注今扶風池陽縣瓠中是也

疏孫炎云周岐周也詩六月

云獫狁匪茹整居焦護是也時人謂之瓠中也

十藪

疏題上事也說文云大澤也風俗通云藪厚也有草木魚鼈所以厚養人也

東陵隄南陵息慎西陵威夷中陵朱滕北陵西隄雁門

是也

注即雁門山也

音信

疏

此五方之陵名也其義及所在未詳云雁門是

也者此指解北陵也即雁門山是也

陵莫大於加陵

注今所在未聞

疏

莫無也陵大阜也言陵無大於加陵者謂

加陵最大者今所在未聞

梁莫大於溴梁

注溴水名梁隄也

壁切

疏

謂之梁詩

傳云石絕水曰梁然則以土石為隄障絕水者名梁雖所在皆有而無大於溴水之旁者杜注云溴出河內軹縣東南至溫入河春秋襄十六年公會晉侯以下于溴梁是也

墳莫大於河墳

注墳大防也

疏

皆有大而河墳最大也

八陵

疏

此亦題上事也大阜曰陵溴梁河墳雖非大阜以其絕大若陵故通謂之

入陵也

東方之美者有醫無閭之珣玕琪焉醫無閭山名今

在遼東珣玕琪玉屬珣玕東南之美者有會稽之

竹箭焉會稽山名今在山陰縣南竹箭篠也

稽古南方之美者有梁山之犀象焉犀牛皮角象

牙骨西南之美者有華山之金石焉黃金礪石之

屬西方之美者有霍山之多珠玉焉霍山今在平

陽永安縣東北珠如今雜珠而精好西北之美者有

崑崙虛之璆琳琅玕焉璆琳美玉名琅玕狀如珠

也山海經曰崑崙山有琅玕樹崑崙路昆切虛音墟北方之美

者有幽都之筋角焉幽都山名謂多野牛筋骨東

北之美者有斥山之文皮焉虎豹之屬皮有縝綵

者斥中有岱岳與其五穀魚鹽生焉言泰山有

魚鹽之饒此釋八方中國名山所產之物也

顏師古云即謂醫巫閭是縣因山為名故云山名今

在遼東周禮幽州鎮也云珣玕琪玉屬者說文云珣

周書所謂美玉也玕石之似玉者琪玉也皆玉之類

也故云玉屬周禮揚州云其山鎮曰會稽鄭注云

在山陰地理志會稽郡山陰縣云會稽在南上有禹

南方之美者有梁山之犀象焉者郭氏不注梁山所
 在犀象二獸皮角牙骨材之美者也○黃金礪石之
 屬者經惟言金知黃金者以三品之中黃金為上此
 言美者故知黃金礪石之次玉者玉藻云士佩礪
 玟而縕組紱是也其類非一故云之屬○注霍山至
 精好者周禮冀州其山鎮曰霍山鄭云在彘案地理
 志河東郡彘縣云霍大山在東冀州山周厲王所奔
 應劭曰順帝改曰永安然則東晉時屬平陽郡而縣
 名永安故云今在平陽永安縣也云珠如今雜珠而
 精好郭氏時驗為然也璆與球同說文云璆玉磬也
 琳美玉名書云曼擊鳴球美玉可以為磬故皆云美
 玉也山海經曰者案海內西經云帝之下都崑崙之
 虛方八百里高萬仞其上有三頭人琅玕樹注云琅
 玕子似珠也○幽都者山海經云北海之內有山名
 曰幽都之山是也○斥山山名也文皮虎豹之屬其
 皮毛有文采細縹故謂之文皮焉○岱岳泰山也此
 言中國也五穀黍稷麻麥豆也泰山東近海禹貢海
 岱惟青州厥貢鹽絺海物惟錯言其饒多非一種故

汪云言泰山有魚鹽之饒也

九府

疏此亦題上事也府聚也財物之所藏故言此八方及中皆美物之所聚故

東方有比目魚焉不比不行其名謂之鰈

註狀似牛腓


鱗細紫黑色一眼兩片相合乃得行今水中所在有

之江東又呼為王餘魚音蝶南方有比翼鳥焉不比

不飛其名謂之鸛音鸛似鳧青赤色一目一翼相得

乃飛西方有比肩獸焉與叩叩距虛比為叩叩距虛

齧甘草即有難叩叩距虛負而走其名謂之麇音呂



氏春秋曰北方有獸其名爲歷鼠前而免後趨則頓

走則顛然則叩叩距虛亦宜鼠後而免前前高不得

取甘草故須歷食之今雁門廣武縣夏屋山中有獸

形如兔而大相負共行土俗名之爲歷鼠叩巨凶

結難乃叩巨齧五北方有比肩民焉迭食而迭望此即半體

之人各有一目一鼻一孔一臂一脚亦猶魚鳥之相

合更望備警急迭徒中有軹首蛇焉岐頭蛇也

或曰今江東呼兩頭蛇爲越王約髮亦名弩弦居是

切此四方中國之異氣也此釋五方異氣而產非常之物也云東方有此



目魚焉者言東方水中有魚其形狀似牛脾鱗細紫

黑色一眼兩片相合兩目相比乃得行故曰比目魚

云不比不行者比合也言一片不能行須兩片相合

乃行故云不比不行也云其名謂之鰈者言鰈爲比

目之名也一名比目魚一名鰈郭云江東又呼爲王

餘魚○案山海經云崇吾山有鳥狀如鳧一翼一目

相得乃飛名曰蠻蠻郭云比翼鳥也色青赤不比不

得飛爾雅作鷦鷯者正謂相比也○云西方有比肩

獸焉者此謂歷也與叩叩距虛相比歷則肩庠不能

走而能取甘草叩叩距虛走百里是也故各以其能

走穆天子傳曰叩叩距虛齧甘美之草仰而食而濟所不能歷常爲叩叩距虛背負而走者其名謂之歷之即有急難叩叩距虛則背負而走者其名謂之歷也云呂氏春秋二十六篇秦相呂不韋輯智畧士作也云曰北方有獸至則顛者大慎覽順說篇之文也引之乃以證叩叩距虛之形也然則以下郭氏注云今雁門廣武縣云云者目驗知之也北方至迭望此即半體人也兩半相比乃得爲人動作及禦非常以

肩在上而顯故謂之比肩民焉迭更也謂一體取食則一體瞻望所以備警急也故云迭食而迭望○云中有軹首蛇焉軹岐也此即兩頭蛇也今江東呼越王約髮言是越王約髮所變也亦名弩弦即以形相似而名之也

五方

疏此亦題上事也言是五方風氣殊異而生此怪物也

邑外謂之郊郊外謂之牧牧外謂之野野外謂之林

林外謂之垆

註邑國都也假令百里之國五十里之界

界各十里也

○垆古營切

下溼曰隰大野曰平廣平曰原

高平曰陸大陸曰阜大阜曰陵大陵曰阿可食者曰

原

註可種穀給食陂者曰阪

註

陂陀不平下者曰溼

註公羊傳曰下平曰隰田一歲曰菑**註**今江東呼初

耕地反草為菑二歲曰新田**註**詩曰于彼新田三歲

曰畬

註易曰不菑畬

○菑音于

疏此釋郊野之地遠近高下不同之名也云邑外

謂之郊者邑國都也謂國都城之外名郊也云郊外

謂之牧者言可放牧也書牧誓云王朝至於商郊牧

野乃誓是也云牧外謂之野者言牧外之地名野詩

傳云郊外曰野者以細別言之則郊外之地名牧牧

外之地名野若大判而言則野者郊外通名故周禮

六遂在遠郊之外遂人職云凡治野田是其郊外之

地總稱野也云野外謂之林者言野外之地名林以

爾雅疏

卷之六 九

及古

邑與都異此為一者彼對文之例耳但都者聚居之處故詩小雅云彼都人士說文云邑國也是天子諸侯所居國城或謂之邑或謂之都故以國都解邑也云假令百里之國五十里之界界各十里也者以其百里之國國都在中去境五十里每十里而異其名則坳為邊畔去國最遠故毛傳以為遠野也此假令者據小國言之郊為遠郊牧野林坳自郊外為差耳然則郊之遠近計國境之廣狹以為差也聘禮云賓及郊注云郊遠郊周制天子畿內千里遠郊百里以此差之遠郊上公五十里侯四十里伯三十里子二十里男十里也近郊各半之是也鄭之所約也是以司馬法云王國百里為遠郊又此經從邑之外止有五名明當每皆百里故知遠郊百里也知近郊半之者書序云周公既沒命君陳分正東郊成周於時周都王城而謂成周為東郊則成周在其郊也於漢王城為河南成周為洛陽相去不容百里則所謂郊者謂近郊故鄭注云天子近郊五十里今河南洛陽相去則然是鄭以河南洛陽約近郊之里數也周禮杜



子春注云五十里為近郊白虎通亦云近郊五十里遠郊百里是儒者相傳為然也下溼曰隰者謂地形庫下而水溼者李巡曰下濕謂土地窳下常沮洳名為隰也云大野曰平者大野之澤一各平魯有大野是也云廣平曰原者謂澤之廣平者亦名原漢以平原為郡名屬青州云高平曰陸大陸曰阜大阜曰陵大陵曰阿者李巡曰高平謂土地豐正名為陸土地高大名曰阜最大名為陵陵之大者名阿詩大雅皇矣云無矢我陵我陵我阿是也此上七者或萊沛沮洳或險峭磽确雖不可種穀給食亦得其名也云可食曰原陂者曰阪下者曰隰此三者釋地形雖有高下不平皆可種穀給食高而可食者名原詩大雅云篤公劉于胥斯原是也陂陀不平而可食者名阪詩小雅正月云瞻彼阪田有苑其特是也下平而可食者名隰本作溼誤公羊傳曰下平曰隰此昭元年傳文也案彼曰晉荀吳帥師敗狄于太原此大鹵也曷謂為之太原地物從中國邑人名從主人原者何上平曰原下平曰隰何休云分別之者地勢各有所生

原宜粟隰宜麥當教民所宜因以制貢賦是也云田
 一歲曰蓄二歲曰新田三歲曰畬此釋耕田年歲遠
 近名義不同之事也蓄者災也畬和柔之意也孫炎
 云蓄始災殺其草木也新田新成柔田也畬和也田
 舒緩也郭云今江東呼初畊地反草為蓄詩曰于
 彼新田此小雅采芑篇文也案彼云薄言采芑于彼
 新田于此蓄畝毛傳取此文為說故引證也云易曰
 不蓄畬此无妄六二爻辭也鄭注亦取此文故引以
 為證也

野

此亦題上事也上自邑外謂之郊以下
 雖遠近高下其名不同野為總稱故云

東至於泰遠西至於邠國南至於濮鈇北至於祝栗謂

之四極

皆四方極遠之國

濮音卜

觚竹北戶西

王母曰下謂之四荒

觚竹在北北戶在南西王母

觚竹在北北戶在南西王母

在西曰下在東皆四方昏荒之國次四極者音孤九

夷八狄七戎六蠻謂之四海

九夷在東八狄在北

七戎在西六蠻在南次四荒者距齊州以南戴曰為

丹穴

距去也齊中也北戴斗極為空桐

戴值東

至日所出為太平西至日所入為大蒙即蒙汜也


太平之人仁丹穴之人智大蒙之人信空桐之人武

地氣使之然也

此釋九州之外四方極遠之國
 名也及其人性稟氣不同也泰

遠邠國濮鈇祝栗此四方極遠之國名也觚竹者漢
 書地理志遼西令支有觚竹城是也北戶者即日南
 郡是也顏師古曰言其在日之南所謂北戶以向日
 者西王母者山海西荒經云西海之南流沙之濱赤

水之後黑水之前有大山名崑崙之丘有人戴勝虎齒有尾穴處名曰西王母又穆天子傳曰天子賓于西王母乃紀其迹于弇山名曰西王母之山是也日下者謂日所出處其下之國也山海東荒經云大荒之中有山名曰大言日月所出有波谷山者有大人之國又云大荒之中有山名曰合虛日月所出有中容之國如此之類是也云謂之四荒者言聲教不及無禮義文章是四方昏荒之國也在土四極之內云九夷八狄七戎六蠻謂之四海者孫炎云海之言晦晦闇於禮義也云知在東西南北者以曲禮云其在東夷北狄西戎南蠻雖大曰子故也案風俗通云東方人好生萬物無觸地而出夷者舩也其類有九依東夷傳夷有九種曰吠夷干夷方夷黃夷白夷赤夷玄夷風夷陽夷又一曰玄菟二曰樂浪三曰高麗四曰滿飾五曰鳧更六曰索家七曰東屠八曰倭人九曰天鄙蠻者風俗通云君臣同川而浴極為簡慢蠻者慢也其類有八李巡云一曰天竺二曰咳首三曰焦僥四曰跋踵五曰穿胷六曰儋耳七曰狗軼八曰



旁春戎者風俗通云斬伐殺生不得其中戎者兇也其類有六李巡云一曰僥夷二曰戎夷三曰老白四曰耆老五曰鼻息六曰天剛狄者風俗通云父子嫂叔同穴無別狄者辟也其行邪僻其類有五李巡云一曰月支二曰穢貊三曰匈奴四曰單于五曰白屋案李巡所注爾雅本謂之四海下更三句云八蠻在南方六戎在西方五狄在北方故得此解孫炎郭氏諸本皆無此三句案明堂位稱九夷八蠻六戎五狄周禮職方氏掌四夷八蠻七閩九貉五戎六狄之人鄭注云四八七九五六周之所服國數也徧檢經傳四夷之數參差不同先儒舊解此爾雅上文殷制明堂位及職方并爾雅下文皆為周制義或當然此在四荒之內九州之外於王者世一見周禮曰九州之外謂之蕃國世一見是也故云次四荒云岷齊以南戴日為丹穴者此明四海之中別有下四種之名也岷去也齊中也中州猶言中國也戴值也言去中國以南北戶以北值日之下其處名丹穴天老說鳳云濯羽弱水莫宿丹穴又山海經云禱遇山東五百里

曰丹穴山是也云北戴斗極為空桐者斗北斗也極者中宮天極星其一明者泰一之常居也以其居天之中故謂之極極中也北斗拱極故云斗極值北斗極之下其處名空桐云即者即淮南子云日出扶桑入於蒙汜是也云地氣使之然也者言是土地之氣剛柔不同使之仁智信武耳若考工記云鄭之刀宋之斤魯之削吳越之劔遷乎其地而弗能為良地氣然也

四極

釋丘第十

疏案廣雅云小陵曰丘說文解字曰土也人居在丘南故從北中邦之居在崑崙東南一曰四方高中央下為丘象形此下云非人為之丘然則土有自然而高小於陵者名丘也其體雖一其名則多或近道途或因水澤所如則陵畝各異其重則再三不同通見詩書此篇具釋故名釋丘

丘一成為敦丘

註成猶重也周禮曰為壇三成今江東

呼地高堆者為敦

疏成重也言丘上更有一丘

氓篇云送子涉淇至于頓丘是也一孫炎云形如覆敦敦器似孟今案下文別云如覆敦者敦丘則此自是丘之一重者故郭氏云成猶重也與孫氏意異周禮曰為壇三成者此秋官司儀職所載文也鄭司農云三成三重也引之證成為重也

再成為陶丘


註今濟陰定陶城中有陶丘

累者名陶丘李巡曰再成其形再重也禹貢曰濟水東出于陶丘北是也濟陰定陶者濟陰郡各定陶縣名也地理志云定陶縣西南有陶丘亭是也

再成銳上為融丘

註纖頂者音惠

丘形再重而頂



三成爲崑崙丘

註

崑崙山三重故以名云

疏

丘形三重者名崑崙

丘崑崙山記云崑崙山一名崑丘三重高萬一千里是也凡丘之形三重者因取此名云耳

如藥者藥丘

註

形似車藥也或云藥者謂稻田塍埒

疏 繩正郭氏兩解一云形似車藥也一或云藥謂稻田塍埒塍埒地理志云泰山有藥丘春秋莊十五年公敗宋師于藥丘是因丘以爲名乎

如階者階丘

註

水中小洲爲階

疏

階水亡可居之音渚階水亡可居之音渚小者丘形似之

名爲階丘也

水潦所止泥丘

註

頂上汗下者

疏

水潦雨水也丘音老形頂上汗下雨

水停止而成泥

音老

音渚

方丘胡丘

註

形四方

疏

丘形四方者名胡丘

絕高爲之京

註

人力所作

疏

言卓絕高大如丘而人力所作者名京案春秋宣十

二年左傳楚敗晉師于邲潘黨曰君盍築武軍而收晉尸以爲京觀楚子曰云云今罪無所而民皆盡忠以死君命又何以爲京乎是其類也

非人爲之丘

註

地自然生

疏

李巡云謂非人方所爲自然生者孫炎曰地性自然

也故郭云地自然生

水潦所還埒丘

註

謂丘邊有界埒水繞環之

疏

還環遠也埒小

隄也壙土爲之言此丘邊有其界埒外則爲水潦繞環者名埒丘

上正章丘

註

頂平

疏

丘頂上平正者名章丘章亦平也

澤中有丘都丘

注在池澤中

疏都水所聚也言在池澤中者因名都丘

堂途梧丘

注途道

疏途道也梧遇也當道有丘名梧丘言若相遇於道路然也

途出其右而還之畫丘

注言為道所規畫

疏還音旋右謂西也

還繞也畫規畫也言道出丘西而復還繞之者名畫丘若為道所規畫然也

途出其前戴丘

注道出丘南

疏謂道過丘南若為道負戴故為戴丘

途出其後昌丘

注道出丘北

疏謂道過丘北者名昌丘

水出其前消丘水出其後沮丘水出其右正丘水出其


左營丘

注今齊之營丘淄水過其南及東

疏消所景沮辭與

疏

此釋丘之前後左右有水過之者名也左右猶言東西也地理志云齊郡臨淄城中有丘即營丘也



志又云泰山萊蕪縣淄水所出東至博昌入泲然則淄水出萊蕪經臨淄過營丘南折而北至博昌入泲言此以證水出其左者名營丘

如覆敦者敦丘

注敦孟也

疏音堆

案周禮九嬪職云凡祭祀贊玉盞注云玉

盞玉敦也受黍稷器又少牢禮曰主婦執一金敦黍有蓋凡設四敦皆南首注云敦有首者器飾也飾象龜形孝經緯說敦與簋蓋容受雖同上下內外皆圓為異郭氏言敦孟舉其類而言之也丘形如覆敦者名敦丘

遷迤沙丘

注旁行連延

疏遷呂紙切迤余紙切

說文云遷行也故注

云旁行連延也連延謂連接延長丘形斜行連接而長者名沙丘地理志云鉅鹿有紂所作沙丘臺在東北七十里

左高咸丘右高臨丘前高旄丘註詩云旄丘之葛兮後

高陵丘疏此四者釋丘形左右前後高而各不同也

偏高阿丘註詩云陟彼阿丘疏謂丘形四隅有一高而

阿丘也詩云陟彼阿丘者鄘風載馳篇文也

宛中宛丘註宛謂中央隆高疏案詩陳風云宛丘之上

下曰宛丘李巡孫炎亦皆云中央下而郭以為中央高者以其四方高中央下即是上文水潦所止泥止也又下云丘上有丘為宛丘作者嫌人不曉故重辯之既言丘上有丘非中央隆高而何此郭氏所以不從先儒也

丘背有丘為負丘註此解宛丘中央隆峻狀如負一丘

於背上疏此解宛丘之狀也言中央隆峻若丘背之上更有一丘而負戴之者名宛丘又名負丘也

左澤定丘定下謂丘之東有

右陵泰丘註宋有泰丘社見史記謂丘之西有大

有太丘社見史記秦六國年表周顯王三十三年秦惠文王二年宋太丘社是也蓋依丘作社在宋國于時亡去故云太丘社亦答徵也

如畝畝丘註丘有隴界如田畝疏李巡曰諸丘如田畝

步郭以為田畝之壟也丘形有界埒似之因名云詩小雅巷伯云楊園之道倚於畝丘是也

如陵陵丘註陵大阜也疏丘形如大阜者名陵丘云陵大阜者釋地文也

爾雅疏 卷之六 十六 及古

丘上有丘為宛丘

註

嫌人不了故重曉之陳有宛丘

註

今在陳郡陳縣晉有潛丘

註

今在太原晉陽縣淮南

有州黎丘

註

今在壽春縣天下有名丘五其三在河

南其二在河北

註

說者多以州黎宛營為河南潛敦

為河北者案此方稱天下之名丘恐此諸丘碌碌未

足用當之殆自別更有魁梧桀大者五但未詳其名

號今所在耳

疏

此郭氏破先儒說天下名丘未當也

丘碌碌然小耳史記毛遂入楚謂平原君諸舍人曰

公等碌碌所謂因人成事者也意相類也殆近也近

自更有魁梧桀大者五但各號所在今所未詳知也

丘

疏 此已上釋眾丘之名義故題曰丘也

望厓洒而高岸

註

厓水邊洒謂深也視厓峻而水深者

曰岸

疏

望視也厓水邊也洒水深也言視

名岸詩衛風

疏

水邊之厓其下水深其厓高峻者

夷上洒下不濬

註

厓上平坦而下水深者為濬不發聲

音唇

疏

李巡云夷上平上洒下陷下故名濬孫炎曰

坦而下水深者為濬不發聲也

隩隈

註

今江東呼為浦隩淮南子曰漁者不爭隈

鳥回

疏

隩一名隈也孫炎云隈水曲中也詩衛風云

爾雅疏

卷之六 十七

及古畧

昔舜耕於歷山暮年而田者爭處境塙以封畔肥饒相讓釣於河濱暮年而漁者爭處湍瀨以曲隈深潭相予是不爭隈之事引之以證隈即厓內深隈之處也

厓內爲隩外爲隈

注 別厓表裏之名

疏 別厓表裏之名也孫炎云內曲裏也外曲表也李巡曰厓內近水爲隩其外爲翰此句覆釋上文隩隈之處也云外爲隈者隈當作翰傳寫誤也詩大雅公劉云芮翰之即毛傳云水之外曰鞠然則厓在水曲其內名隩又名隈其外名翰又作坑音義同今以隩隈一事分爲外內之名故知誤也

今終南山道名畢其邊若堂室之牆

畢堂牆

注 今終南山道名畢其邊若堂室之牆

疏 李巡云堂

牆名厓似堂牆曰畢郭以畢終南山之道名也其邊之厓如堂室之牆言平正也詩秦風云終南何有有紀有堂是也

重厓岸

注 兩厓累者爲岸

疏 言兩厓相重累

龍切者亦名岸也

岸上許

注 岸上地

疏 音虎

岸上平地去水稍遠者名許詩大雅縣篇云率西水許之

墳大防

注 謂隄

疏

李巡曰墳謂厓岸狀如墳墓名大防也詩周南云遵彼汝墳又釋地云墳

莫大於河墳是也

涘爲厓

注 謂水邊

疏 音士

李巡曰涘一名厓謂水邊也詩秦風云所謂伊人在水之

矣

窮瀆汜

注 水無所通者

疏 音似

謂窮困不通之水瀆名汜也亦得名谿即釋山

云山瀆無所通谿郭注云所謂窮瀆者雖無所通與水注川同名是也



谷者激

註

通於谷

音眉

疏

謂窮瀆汜若能通於谷者則別名激也

此已上釋厓所之岸名也故題厓岸

爾雅註疏卷第六

爾雅註疏卷第七

晉郭璞註

宋邢昺疏

釋山第十一

疏

案釋名云山產也言產生萬物說文云山宣也宣氣散生萬物有石

而高象形也此篇釋諸山之名故云釋山

河南華

註

華陰山河西嶽

註

吳嶽河東岱

註

岱宗泰山

河北恒

註

北嶽恒山江南衡

註

衡山南嶽

疏

此篇首載

者以為中國名山也案周禮職方氏河南曰豫州其山鎮曰華山正西曰雍州其山鎮曰嶽山正東曰兗州其山鎮曰岱山正北曰并州其山鎮曰恒山正南曰荆州其山鎮曰衡山鄭注云鎮名山安地德者也

爾雅疏

卷之七

級勢闕